

### 0.0.1 sutavāparibbājakasuttaṃ

1. evaṃ me sutam, ekaṃ samayaṃ bhagavā rājagahe viharati gijjhakūṭe pabbate. atha kho sutavā paribbājako yena bhagavā tenupasaṅkami, upasaṅkamitvā bhagavatā saddhiṃ sammodi, sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho sutavā paribbājako bhagavantam etada-voca:

2. ekamidaṃ bhante, samayaṃ bhagavā idheva rājagahe viharati giribbaje, tatra me bhante, bhagavato sammukhā paṭiggahītaṃ "yo so sutavā<sup>1</sup> bhikkhu ara-  
ham khīṇāsavo vusitavā katakaraṇīyo ohitabhāro anup-  
pattasadattho parikkhīṇabhavasaññojano sammadañña  
vimutto, abhabbo so pañcaṭṭhānāni ajjhācaritum. abhabbo  
khīṇāsavo bhikkhu sañcicca pāṇaṃ jīvitā voropetum,  
abhabbo khīṇāsavo bhikkhu adinnaṃ theyyasaṅkhā-  
taṃ ādātum, abhabbo khīṇāsavo bhikkhu methunaṃ  
dhammaṃ paṭisevitum, abhabbo khīṇāsavo bhikkhu  
sampajānamusā bhāsītum, abhabbo khīṇāsavo bhik-  
khu sannidhikāraṃ kāme paribhuñjitum, seyyathāpi  
pubbe agārikabhūto'ti. " kacci metaṃ bhante, bhaga-  
vato sussutaṃ suggahītaṃ sumanasikataṃ sūpadhā-  
ritanti.

---

<sup>1</sup> sutam syā.

3. taggha tetam<sup>2</sup> sutavā, sussutam suggahītam sumanasikatam supadhāritam. pubbevāham sutavā, etarahi ca evam vadāmi. "yo so bhikkhu araham khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññāvimutto. abhabbo so navaṭhānāni ajjhācaritum: abhabbo khīṇāsavo bhikkhu sañcicca paṇam jīvitā voropetum, abhabbo khīṇāsavo bhikkhu adinnam theyyasaṅkhātam ādātum, abhabbo khīṇāsavo bhikkhu methunam dhammam paṭisevitum, abhabbo khīṇāsavo bhikkhu sampajānamusā bhāsītum, abhabbo khīṇāsavo bhikkhu sannidhikārake kāme paribhuñjitum, seyyathāpi pubbe agārikabhūto.

4. abhabbo khīṇāsavo bhikkhu buddham paccakkhātum<sup>3</sup> abhabbo khīṇāsavo bhikkhu dhammam paccakkhātum<sup>4</sup> abhabbo khīṇāsavo bhikkhu saṅgham paccakkhātum<sup>5</sup> abhabbo khīṇāsavo bhikkhu sikkham paccakkhātum<sup>6</sup> pubbevāham sutavā, etarahi ca evam vadāmi: yo so bhikkhu araham vusitavā katakaraṇīyo ohitabhāro anuppattasadattho parikkhīṇabhavasaññojano sammadaññā vimutto. abhabbo so imāni navaṭhānāni ajjhācaritunti.

---

<sup>2</sup>te etam machasaṃ.

bjt page 398

<sup>3</sup>paccācikkhitum, sīmu chandagatiṃ ganatum machasaṃ.

<sup>4</sup>paccāvikkhitum, sīmu dosāgatiṃ ganatum machasaṃ.

<sup>5</sup>paccāvikkhitum, sīmu mohāgatiṃ ganatum machasaṃ.

<sup>6</sup>paccāvikkhitum, sīmu bhayāgatiṃ ganatum machasaṃ.

pts page 371